



DEN NORSKE KYRKJA  
Kyrkja i Tokke

**Diakonien skal vera ei varmt, bankande hjarte i kyrkjelyden og samfunnet.**

Diakonien syner seg i eit handtrykk til ein ny på gudstenesta, i organisering av Fasteaksjonen, i oppvasken etter føremiddagstreffet for eldre eller som eit stille fakkeltog i Kleivgrend.

**Handling og bøn må bli eitt.** Årets nyord i 2019 blei *klimabrøl*. Det trengs mange brøl for klima framover. Utsiktene er skremmande, men ei kyrkje som er bygd på orda om tru, von og kjærleik- men størst er kjærleiken, kan aldri anna enn kjempe vidare. No er utfordringa å gjere handling og bøn til eitt, slik det står i salmen.

**Eg skulle ønske sterkare rop mot endringane i norsk kriminalomsorg.** I 20 år har ulike regimer prøvde å kvitte seg med skogsleiren i Kleivgrend i Fyresdal. Den 12. desember vart stenginga av Kleivgrend vedteken i Stortinget. Det moderne diakoniarbeidet starta i Tyskland med Flidner og Wichern på 1800-talet. Då var arbeidet for å betre soningstilhøva eit viktig område. Etter mi meining trengs det ein ny diakonal kamp for norsk kriminalomsorg. Korleis ta vare på menneskeverdet i norske fengsl? Det er leit at ein ikkje hentar røynsler frå Fyresdal. Tema på årets Diakonisamling for Vest- Telemark var: »Kva kan norsk kriminalomsorg lære av Kleivgrend-modellen?»

**Ein diakoni som utfordrar.** Ei rettesnor i alt diakoniarbeidet er å vera utforande i si omsorg, og gjerne ta oppgåver ingen andre gjer. Sjå etter dei som fell utanom. Difor starta prostidiakon Per Emanuelsen opp visitorteneste for dei innsette i leiren i 1986, og vart den fyrste fengselsdiakonen her. Men visitorane måtte ikkje kome tomhendte på besøk, meinte han, og fekk gode folk i bygda til bake kaker. Denne kaketraffikken

bygde relasjon med bygda og kyrkja, og me ser dette igjen i den store oppslutninga kampen for leiren har hatt i Fyresdal.

Då varslet om stenging kom, i Statsbudsjettet for 2020, stilte 100 menneske opp i eit fakkeltog framom skogsleirporten. Mange har undra seg over at ein legg ned noko som er så bra og billig? Men denne nedlegginga handlar om ideologi. Justisminister Kallemyr (FRP) sa i Kleivgrendordskiftet i Stortinget; «Dei som valdtek og drep skal ikkje sone i open soning.» Dette er eit paradigmeskifte i norsk kriminalomsorg. Slik blir det meir innlåsing og isolasjon, imot råda frå fagfolka innan kriminalomsorga:

*– Det er ingen ting i forkinga som tyder på at hard straff har en positiv effekt på tilbakefall til ny kriminalitet. Vi har derfor ingen ting å hente på å lage en «straffekoloni». Slik bare øker tilbakefallsprosenten.* (Ass. regiondirektør i Kriminalomsorgen region Vest Leif Waage til Aftenposten i samband med eit besøk til det opne fengselet Ulvsnesøy.)

**Menneske er verdien.** Kampen om Skogsleiren handlar om kva for ein kriminalomsorg me vil ha. Arbeidsplassane er ei sak for seg sjølv. Men det er mennesket som er verdien både i kriminalomsorga og diakonien. Det er ei stort tap for norsk kriminalomsorg –så vel innsette, tilsette og samfunn – at leiren i Fyresdal blir lagt ned etter nesten 50 år.

**Relasjonar er grunnlaget i diakonien**, og då er det diakonale grasrotarbeidet gjennom samtaler og oppfølging viktig. Sist år har det vore 510 samtaler.

**Alt det gode samarbeidet som fins.** Pilegrimsarbeidet er eit håpsprosjekt med mange gode ting. Folkehelse, kultur og historie, eksistensielle spørsmål, sorg, soning, lengt og samanheng. Det er gode røynsler med pilegrimsvandringar frå Vest-Telemark til Røldal kalla ”Å vandre med håp”. Dette er eitt samarbeid med KVITO, DPS- Seljord og dei kommunale psykiatritenestene. ”Vandring mot fridom” i samarbeid med Arendal Fengsel avdeling Kleivgrend er ei anna godt døme på samarbeid. Samhandling kan vera komplisert. Men om folk som likar kvarandre kan samarbeide om alt.

Trass, i livssyn. Det er dette som er så fint i Vest-Telemark, alt det gode samarbeidet som fins.

### **Ein pris til Vest- Telemark**

*Definisjonen av diakoni, er evangeliet i handling. For å gjere dette har eg fått ein Diakonipris. Kyrkjerådet, Noregs Kristne Råd, Stiftinga CRUX og Det Norske Diakonforbund synest det var ein god idé å gje prisen til meg. Sjølv veit eg om mange ting som kunne tale mot å gje meg ein slik pris. Men i euforisk glede sa eg til Vest- Telemark Blad at det var fortent. På heimebane var det kommentert at slik seier ikkje ein audmjuk prisvinnar! Men så er eg heller ikkje så audmjuk på diakoniens vegne. Kanskje det er difor eg har fått ein pris? Jesus er det store diakonale føredøme. Han set standard for kva kyrkja skal gjere. Ein raud tråd her er at ta vare på dei som fell utanom:» Det du gjorde mot ein av desse mine minste gjorde du mot meg». Prisen har eg fått. Det står namnet mitt på han, men mest er det ein pris til Vest- Telemark. Til dei modige menneske som på 1970- talet byrja å snakke om å lage ei stilling for eit heilt prosti og fem kommunar. Det var stort det dei fekk til. Prisen deler eg gjerne med Per Emanuelsen som var diakon i Vest- Telemark frå 1986-90. Han viste korleis ei slik vidfemnande stilling kunne fungere. Ein del av prisen går til Oscar J. Garnes i Vinje , styreleiar i «Prostidiakonatotet» i 24 år, som har støtta opp om denne litt merkeleg Vest- Telemark ideen. Ikkje minst går prisen dei kyrkjelege fellesråda, alle kyrkjelege tilsette, sokneråda, diakoniutval og mange , mange frivillige som driv diakonien i Vest- Telemark.*

*Eg trur prisen syner at ein fagutdanna diakon kan få til mykje som nav eit stor nettverk, og det er eg stolt av.*

*(Vest-Telemark Blad 5.11.19)*

### **Arbeidsområde. Oppretting og oppfølging av diakoniorgana i**

**kyrkjelydane i Tokke, Vinje, Nissedal, Kviteseid og Fyresdal.** Det er diakoniutval i Kviteseid, Nissedal/, Grunge og Fyresdal. Utvala har ansvar for blomhelsingar, helgemesse og diakonidagar. Desse sokna har oppdatera Diakoniplanar Vinje/Nesland, Kviteseid, Fyresdal og Nissedal.

**Forkynning og undervisning om diakoni.** Dette skjer gjennom gudstenester (20), diakoniundervisning for alle konfirmantane, kursverksemd, diakoniutvals- og soknerådsmøte og diakonispalta i Vest Telemark Blad. Og årets nyskaping. Ein podkastserie kalla Diakonalgang. I samband med at kollega Ivar Solbu slutta etter 43 år i Sauherad vart det lage fire podkastar med OU- midlar. Ein finn dei ved ved å søke på «Diakonalgang.» Ved årsskiftet er dei lasta ned 300 gonger.

<https://open.spotify.com/episode/7vBrB2khj5MbfpBjmn5ps?si=xSIxEDndSCWMN6Uwl-C33w>

**Opplæring og utdanning av frivillige medarbeidarar.** Så godt som råd vert det prøvd å følgje opp dei friviljuge. Målet at dei ein eller annan gong gjennom året, får ei rose. Diakonisamlinga for Vest-Telemark er eit årleg og godt samlingspunkt.

**Samarbeid med sokneråd og kyrkjelege tilsette.** Samarbeidet skjer på mange felt. Mellom anna gjennom møte med sokneråd og diakoniutval. Siste år har eg delteke på møte med sokneråd i Nissedal, Tokke og Kviteseid. Samt nokre stabsmøter i Tokke og Vinje

**Arbeid med å styrke fellesskap og opprette omsorgsgrupper,** Sist år har eg hatt ei sorggruppe – eller rettare - ”Gå vidare - gruppe i Åmot og Leva Vidare gruppe i Kviteseid samt ei Ung- sorg gruppe i Vinje. Tilsaman 68 deltakarar. I samarbeid med Psykisk helse i Tokke vert det arrangert ei Samtale om Livet gruppe (4 gonger med 9 deltakarar ) På Distrikts Psykiatrisk Senter (DPS) i Seljord vert det gjeve tilbode om samtaler gjennom trefftider annankvar veke, og Samtalegruppa er halde 13 gonger med 37 deltakarar. På Kvitsund er det ”Guys -Group” på Kvitsund. (4 gonger med 64 deltakarar). I haust vart det starta ei Gutegruppe på Høydalsmo skule og ei gruppe for pårørande til demente i Tokke.(Kvileplassen)

**Arbeid som fengselsdiakon i Kleivgrend.** I Skogsleiren er det månadlege visitorvitjingar, og elles tilbod om samtaler med underteikna. Kvar gong er det om lag 15 innsette som drikk kaffi og et kake med oss . (Statistikken seier 181). Andreas Valebjørg, Ragnhild Berge og Else F. Metveit har delt på

visitortenesta. No når teneste deira er over vert det enno tydelegare kva dei har tydd for dei innsette gjennom åra. Under Diakonisamlinga for Vest-Telemark deltok innsette under forbøna ,og tema for samlinga erfaringane frå Kleivgrend. For sjuande gong vart det arrangert ei pilegrimsvandring for innsette kalla "Vandring mot fridom". Seks innsette deltok saman med Harald Hervik frå leiren. Som vanleg kom sosialklassa ved Kvitsund Gymnas på ekskursjon til leiren. Julesamlinga i Skogsleiren er elles ein god inngang til julehøgtida for inn- og tilsette, visitorar og andre knytt til leiren. Tredje juledag var det juleselskap hjå meg på Dalen. Ein liten ting i det store biletet, men vanskeleg å få til i meir lukka institusjonar.

**Gje hjelp til menneske i akutte og vanskelege livssituasjonar.** Jamt over tredje kvar veke kjem det nye kontaktar. Elles er det uttrykkingar i samband med arbeid i krisegruppene. Fem slike dette året.

**Stoff til kyrkjelydsblad, radio og nettstader** Diakonispalta i Vest Telemark Blad er ein fin måte å få ut diakonale drypp på. (39). I Telemark Tidende i Telemarksavisa har eg ei spalte kalla "Påfyll". (33) I samband med Fasteaksjonen til Kirkens Nødhjelp får me disponere tre avissider i VTB. Prostidiakonen har heimeside og Facebookside. No er det 1213 som likar ho. <https://www.facebook.com/ProstidiakonenIVestTelemark/> Opp 78 frå 2019) Kyrkjelydsblada får og jamleg stoff. Elles prøver ein så godt ein kan å gje formidle stoff til avisene og NRK.


**Ha kontakt med offentlege sosialteneste og humanitære organ.**

Prostidiakonen er med i dei kommunale krisetema i Nissedal, Vinje, Tokke og Kviteseid og Fyresdal. Kontakten med Vest-Telemark Rådet, skular, sosialkontor, barnevern og arbeidsmarknadsbedriftene er god. Samarbeidet med psykisk helse i dei seks Vest -Telemark kommunane (samt KVITO og DPS ) om "Å vandre med håp" , vart gjennomført for 11. gong. Samla tal på deltakarar var 140. I samband med ny organisering av NAV i Vest- Telemark, er underteikna beden om å vera med Brukarutvalet for NAV- Vest-Telemark.

*Sidan 1985 har Vest-Telemark hatt Prostidiakon. Prostidiakonen i Vest-Telemark er eit samarbeid mellom sokneråd og kyrkjelege fellesråd i Tokke,*

*Vinje, Nissedal, Kviteseid og Fyresdal. Pengane til stillinga kjem dels frå dei samarbeidande partane og Agder og Telemark bispedømeråd. Diakonaten har eit valt styre. Styreleiar er Oscar J. Garnes, Vinje. Tokke kyrkjelege er vertsfellesråd, har arbeidsgjevaransvar og fører rekneskapen. Dalen er kontorstad for prostidiakonen.*

## Statistikk over samtaler i fellerådsområda, DPS og Skogsleiren



### Aktivitet.

**Vinje.** Tre stabsmøter/ medansvarleg for Verdiseminaret for ungdom i samband med bispevisitasen og ansvar for seminaret om Eksistensiell omsorg for helsepersonell/ ansvarleg for Verdiseminaret med markering av Bokåret i Vinje kyrkje i november. Tema «Tekster til trøyst.» /delteke på gudsteneste under snøformingsfestivalen i Åmot og Palmesundagmesse på Møsstrand/delteke på Helgemesse i Rauland og felles Diakoniens Dag for

Vinje og Tokke i Nesland kyrkje/leia ei Gå - Vidare gruppe (seks samlingar med 49 deltakarar og ei Ung- Sorggruppe (4 samlingar med 11 deltakarar)/leia to gravferder/delteke på Lys Vaken for Tokke og Vinje/delteke på pilegrimsvandring med konfirmantane i Vinje/ delteke i ei gruppe for dei som har mista barn i Tokke og Vinje (eitt møte)/ deltek på Krisedag for Vinje/to soknebod/halde andakt på Omsorg-sentret i Rauland og Helsesentret i Åmot/ete julemiddag på Dagsenteret i Åmot/

**Kviteseid** delteke på Diakonidag i Kviteseid kyrkje og Helgemesse same stad/andakt på to føremiddagstreff på Misjonshuset/ andakt på sundagsmøte på Betel/leia ei minnemarkering på Kviteseid skule/ forretta i tre gravferder/ eitt møte i Psyko- sosial kriseteam/ i lag med miljøarbeidar på Kvitsund Gymnas leia "Guys – Group" 4 gonger med 64 deltakarar/delteke på sommarfest og julefest for Lundenjordet på Misjonshuset /organisert ein besøksdag for elevar frå Sosialklassa på Kvitsund i Skogsleiren i Fyresdal /delteke på eit diakoniutvalsmøte og vore med på vegleiingskveld for Besøkstensta i Kviteseid/ tre Etisk Refleksjonsamlingar på KOS og to samlingar for Heimesjukepleia/medverka til oppstart av ei gruppe for dei som har hatt kreft (Fatiuge- gruppe)tre samlingar med 39 deltakarar /kåsert på Frivillig- fest for Kviteseid/delteke på ei pilegrimsvandring med 1. klasse på Kvitsund/saman med soknepresten leia ei Leva- vidare gruppe (2 gonger med 8 deltakarar)/Snakka om Håp for vaksenopplæringa i Seljord/Kviteseid/ delteke på markering av Verdsdagen for psykisk helse på Kviteseid skule med tema Tid/

**Fyresdal** Elleve samlingar i skogsleiren (sjå over)/ansvar for Diakonisamlinga i Moland kyrkje/medlem av kommunal gruppe som arbeidde for å ta vare på Skogsleiren/forretta i ei gravferd/ kåsert på Pensjonistmøte/leia ei Etisk- Refleksjonsgruppe på POS/ leia ei Snakk om døden- gruppe på Fyresdal Frivilligsentral (2 gonger med 6 deltakarar)delteke på avskil for Øyvind Mæland og innsetting av Tore Samuelsen

**Nissedal.** To diakoniutvalsmøter/delteke på Peiskos og suppe for nye innbyggjarar i Nissedal/delteke på Verdsdagen for Psykisk helse i Trungen/ delteke på julegrøt på Dagsenteret på Mila/ snakka om Dobbel Glede på Frivilligsentralen/ delteke på Diakonien Dag i Treungen/ forretta i ei gravferd/delteke under Krisegruppas video-innspeling  
<https://www.facebook.com/nissedal.kommune/videos/vb.342792549139301/682392115540465/?type=2&theater>

**Tokke.** Fire stabsmøter pluss ein stabsdag /ansvarleg for Diakoninsdag felles for kyrkjelydane i Tokke og Vinje med klimafokus/eitt krisegruppemøte/ansvarleg for Kirkens Nødhjelp - aksjonen i Eidsborg/Mo/Skafså/leia to gravferder/ spist julemiddag med Psykisk Helse/to soknebod/ Leia ei Samtale om Livet gruppe (3 gonger med 9 deltakarar)/ Styremedlem i Tokke Frivillig Sentral/ tent julegrana på Dalen/ delteke under Tv- aksjonen/ei urnenedsetting/leia ei Gutegruppe på Høydalsmo skule ( fire gonger med 18 deltakarar). I samarbeid med Frivilligsentralen i Tokke er det starta ei gruppe for pårørande til demente kalla Kvileplassen/ i samarbeid med Tokke Frivilligsentral organiserer ei Gå- vidaregruppe (2 gonger med 11 deltakarar)

**Tal og arrangement felles for Tokke, Vinje, Nissedal, Fyresdal og Kviteseid.** Fire styremøter i Diakoniatet samt årsmøtet/ansvarleg for Diakonisamlinga for Vest Telemark i Fyresdal/Diakoniprisen for 2019 gjekk til tilsette og innsette i Arendal fengsel avd. Kleivgrend/Ansvarleg for Diakonispalta og Fasteaksjonsidene i Vest-Telemark Blad /Prosjektleiar for pilegrimsvandringa frå Grungedal til Røldal med namnet "Å vandre med håp/ delteke på julebord for Psykisk helse i Vest Telemark i Seljord/ vore med på psykisk helseavdelingane i VT si felles utflukt til Rui/ undervist på eit Pårørandekurs for Vest- Telemark om Demens på Dalen / undervist om Fasteaksjonen på konfirmant treff for prostiet i Seljord/ delteke på Yrkesmessa på Vest- Telemark Vidaregåande/medlem av Brukarutvalet for Nav- Vest- Telemark (2 møter). Samarbeid med Psykisk Helse i Fyresdal og



Nissedal om ein felles Krisedag for Vest- Telemark/ hatt to hospitantar frå Diakonova ei veke i juni/

**Saker og ting utanfor Vest- Telemark.** Andre vara til sentralstyret i Det Norske Diakonforbund (2017-2020)/ Delteke på Landstyremøte for DNDF / gjort ferdig AVU-utdanning ( Kyrkjeleg Arbeidsvegleiarutdanning) på MF/leiar ei ABV- gruppe (7 samlingar) /delteke på samlingar for ABV-vegleiarar i Agder og Telemark( 2 samlingar)/halde føredrag på Pilegrimseminar på Utstein kloster og preika i Stavanger Domkyrkja i samband med seminaret/delteke på Kirkens Nødhjelp samling på Gadermoen/ fagsamling for diakonane i Agder og Telemark på Vegartun/saman med diakonkollegar i Øvre Telemark organisert markering av FNs Internasjonale Flyktningsdag. I år med pilegrimsvandring i Seljord/delteke på Diakonien Dag på VID/Diakonhjemmet/ein undervisning dag på AOFs Vidareutdanning innan Psykisk helse i Seljord/ eitt besøk på Stortinget i arbeidet for å berge Skogsleiren/vore vert for ei gruppe frå kyrkjelyden på Nordstrand som besøkte Dalen/snakka om pilegrimsvandringar på Eldretreff i Heddal/ delteke på avskildsfest for Ivar Solbu i Sauherad/to vegleiingssamlingar for stipendiatar på Seljord Folkehøgskule/delteke i panelsamtale under Diakonikonferansen på Diakonhjemmet i oktober/er med på ein blogg for Kirkens Nødhjelp. (3 innlegg)/ snakka om « Å vandre med håp» på temakveld i Holter menighet i Nannestad/

Takk til alle gode samarbeidspartar. I kyrkje og kommunar. Alle gode medarbeidarar i , sokneråd og diakoniutval, tilsette, innsette og friviljuge på mange nivå. Takk til styre, og styreleiar i Diakoniatet Oscar J. Garnes. Takk også til kyrkjeverja i Tokke som legg ting så godt til rette for diakonjobben min i Vest Telemark.

**Det er godt å vera prostidiakon i Vest-Telemark.**